

Lwgda Saedcaih Daiq Youqgaenj Lo

眼睛实在是太重要了

Sou rox lwi? Lwgda dwg conghcueng aensim, mboujmiz lwgda, swnghhoz couh gig gannanz, gangj daengz neix, couh siengj daengz bouxmengz, deng lo, ngoenzneix lauxsae couh heuh dou goemq da mo mengz guh saeh.

Sien dwg gou byaij gvaq gwnz song aen daengq bae, caiq heux aencong daengj youq baihleng haenx byaij hob he, doxdaug seiz caiq heux aendaengq byaij hob he, gaej naeuz neix heih guh bw, gizsaed guh seiz lij aeu goemq lwgda.

Hainduj, gou bang vunz goemq da seiz goemq ndaetndaet bae, mbouj hawj gyoengqde yawjraen saek di. Hoeng doeklaeng daengz gou le, couh daengz vunz daeuj goemq lwgda gou, gou faen mbouj cingcuj mbiengj lawz mbiengj de, daengxcungq laepcupcup.

Gou ciep ndaej minghlingh le, couh ganjgaenj byaij, sawqmwh, aen doxgaiq he dangj youq dangqnaej gou, gou naemj, haenx dwg diuz giuz he ba!

Baeznduj, gou ngamq mbiengj ga he yamq hwnjbae couh doek roengzdaej lo, gou aeu fwngz bongxbongx bakaek, laebdaeb guh, baez daihngaih, gou hwnjbae lo, cingq yaek byaij seiz ndwn mbouj maenh, youh doek roengzdaej lo, baenzlawz guh? Gou ndaw sim youh gaenj youh gikheiq, caen siengj beng mbaw hungzlingjinh roengzdaej. Doeklaeng, gou yamqdin naekgywgywg byaij gvaq diuz "giuz" ceiq nanz byaij haenx lo, caen mbouj yungzheih ha!

Gou baez di baez di nod baenaj, aendaengq miz di honz, caemhcai yied honz yied lai, seizneix gou caen dingqny simdaez diuq dungdungdung. Doxbae mbouj ndaej, doxdaug hix mbouj ndaej, gou wnggai baenzlawz guh ne? Seizneix, faj fwngz raeujrub he ndenq coh gou, gou gaenjaenj dwk

vaxdawz fajfwngz neix, couh lumj vaz ndaej diuz cag gaeuqmingh he, mbouj gamj cuengqsoeng. Yienghneix soemx-soemx saxsax byaij gvaq giuz lo. Danghnaeuz bouxmengz mbouj miz fajfwngz raeujrub neix bangcoh de, de dwg geijlai gannanz ha, saekmwh lij rox laemx dem.

Gou laebdaeb mo laep byaij, mo daengz gaiq doxgaiq ndongjndatndat he, haenx wnggai dwg aendaiz lo, gou heux de hob he, dauqma seiz, gou caen mbouj rox daj mbiengj lawz dauq, sawqmwh youh miz faj fwngz he rag gou gvaqbae, youhcai bang gou baez he.

Cungjsuenq ndaej guh sat gienh saeh neix lo, gou vaiqviet rag mbaw hungzlingjinh roengzdaej. Ndawsim nyaenx mbouj ndaej boiqfug bouxmengz, gyoengqde guh gij saeh haenx, couhcinj dwg gwnhaeux byaijroen gij saeh dou yawj hwnjdaej gig genjdanh neix, hix dwg gyoengqde sai haujlai rengz cij guh ndaej daengz, yienghneix, gyoengqdou gyoengqboux da-ndongq neix miz maz lijyouz mbouj ndeindei henhoh lwgda dou ne?

(seiq nienzgaep Fan Singhyij)



Ndoengfaex Hung Gyaunde

美丽的大森林



Gizneix dwg ndaengfaex hung gyaunde ndeu, youq gya yawj bae, cijraen baenz goengq baenz goengq byasang daengjvidvid, couh lumj baenz fag baenz fag giemq youh soem youh rae, cap haeuj mbwn bae. Gwnz dingj de, dwg aenmbwn seuqcingh lumj aeu raemx swiq gvaq, gwnzmbwn miz haujlai fwj haubieg haubieg, rumz baez ci, couh bienq baenz gak cungj gak yiengh doxgaiq, couh lumj goengrumz guh mohsuzswi cingq bienq mohsuz nei!

Youq ndaw ndoeng neix, miz diuz dah raemx cebyauyau he. Ndaw dah miz haujlai bya' iq dwggyaez. Miz di daj ndaw raemx diuq hwnjdaej, cazyawj miz mbouj miz vunzdig; miz di daengxyouq yawj seiqlengq, yawj gizlawz miz doxgaiq baenz gwn; lij miz geij duz heuz gig vaiq, haenqrengz cung baenaj, yaepda couh mbouj raen ngauez lo, lumjbaenz cingq doxdax yawj byawz heuz ndaej ceiq vaiq.

Youq henz diuzdah sawliklik neix, miz dieg nywj loegyauyau he, gwnzde miz haujlai va hai dwk, saek henj saek nding, gyaunde dangqmaz. Geij duz douqlwg bwn

haumbapmbap haenx yawjraen le, angq dangqmaz, youq gwnz diegnywj guh'angq riu sing iq sing hung, couh lumj aen giuznae nei, youq gwnz haenx ringx bae ringx dauq, dwggyaez lai lo.

Lienghvaih mbiengj dah haenx, ndoengfaex mwncupcup. Duz roegvenz gyaunde ndeu mbin daengz gwnz go faex hung mwncupcup he, yungh gij sing ceiq seksak haenx ciengqgo. Gij sing geizmiuh neix cienz daengz seiq fueng bet bai. Ndaw ndoengfaex gyoengq doenghdz cungj rox lo, roegdingfaex, roegvameiz, roeggeuq, roegraeu, roegdingheng, roeggap, roegenq, roeglaj, roegfek...cungj dingqny sing go lo, hix siengj daej ciengqgo, ndigah couh itheij comz daej, mbin daengz gwnz faex, hainduj daihhabciengq, gij sing haenx gingdoengh daengx aen ndoengfaex, moix duz doenghdz cungj deng gij go daihhabciengq neix maez lo, gij sing haenx beij gwnzbiengz cungj yozgi lawz cungj ndeidingq.

Ndoengfaex neix caen gyaunde ha! Mwnz siengj mbouj siengj daej gizneix ne?

(seiq nienzgaep Cangh Yinciz)

Gou miz aen sibgvenq vaih ndeu, haenx couhdwz rox "it sim song yungh", ngoenznaengz guh gyahdingz cozyez seiz cungj maij naengh youq dangqnaej densigih, mienh yawj densi mienh guh cozyez. Hix cingq dwg aenvih yienghneix, gij cizlieng cozyez gou soqlaiz mbouj ndei gvaq, sij cih mbeuj bae mbeuj dauq, guh ndaej deng hix noix.

Ngoenzneix cuengqhag ma ranz, gou youh ciuqyiengh hai densi cunjbei guh cozyez, daxboh byaij haeujdaej riu dwk doiq gou naeuz: "Siujiangz, songraez guhcaemz baez ndeu ba."

"Guhcaemz? Ndei lai lo!" Gou angq dwk diuq hwnjdaej.

Daxboh aeu song mbaw ceijhau caeuq song gonj caijbit ma, sien veh aen gienluenz he hwnj fwngzswix gou bae, caiq veh aen cingfanghgingz he hwnj fwngzgvaz gou bae. Hai, gou laihnaeuz dwg gijmaz nei, daiq genjdanh lo, sam miux cung veh ndei aen gienluenz ndeu, haj miux cung veh ndei aen cingfanghgingz ndeu.

"Yo, caen veh ndaej vaiq ha."



"Dangyienz lo!"

Daxboh ciepdwz naeuz: "Mwnz gaej angq caeux lai, seizneix caencingq nanzdoh daej lo, mwnz fwngzswix fwngzgvaz gak gaem gonj bit ndeu, lumj haxbaenh nei veh aen gienluenz hwnj fwngzswix bae, veh aen cingfanghgingz he hwnj fwngzgvaz bae, mboujgvaq, aeu doengzseiz veh cijndaej bw."

"Ndae, mboujmiz vwndiz."

Gou siengj: "Daiq genjdanh lo, song fwngz doengzseiz veh, itdingh mbouj mauhgvaq haj miux cung."

Hoeng, hawj gou siengj mbouj

daengz dwg, gou siengj veh gienluenz hwnj fwngzswix, daengzlaeng fwngzgvaz hix gaenriengz veh luenz, siengj veh cingfanghgingz hwnj fwngzgvaz, fwngzswix hix gaenriengz veh cingfanghgingz. Sam faen cung gvaqbae lo, song cik fwngz veh ok gij doz haenx luenz mbouj luenz, fueng mbouj fueng.

Daxboh lumhlumh gyauej gou naeuz: "Siujiangz, mwnz rox lwi? Vihmaz haxbaenh mwnz ngamq veh luenz seiz caeuq ngamq veh fueng seiz cungj veh ndaej vaiq, doengzseiz yungh song cik fwngz dajveh seiz couh

gig menh, caemhcai veh mbouj baenz yiengh?"

Gou ngauz le ngauz gyauej.

"Haenx dwg aenvih guh maz saeh cungj mbouj ndaej it sim song yungh! Raeuz guh maz saeh, cungj aeu ciensim cijndaej, cijmiz baenzneix, cijnaengz guh baenz saeh ha!"

Dingq daxboh baenzneix gangj, gou singsak haujlai lo. Baenzneix, gou gven densi bae, ciensim daej guh cozyez lo.

(Siuh Hoyangz)

